

Uste okerrez dijoaz,
orain, arro-putzak,
lapurtuaz gaut'egun
iñoren ametsak,
langilleen lepotik
dira aberatsak.
Noiz arte iraungo dute
umillen biotzak?

Begi tarteak bustiz
naiz itsutuago;
erotu bearrean
ixillikan nago.
Lurrikara ondoren
izugarriago:
zerbait aditu nai ta
dana ixil dago.

Otsalar

MAITATZEKO ERRAZOIAK BADIRA...

Maitatzeko errazoiak badira
zergaitik gizonok alkar urrunduak?

Maitatzeko errazoiak badira
zergaitik umillak, soilki, galduak?

Maitatzeko errazoiak badira
zergaitik, ordea, biotz saminduak?

Maitatzeko errazoiak badira
zergaitik larri gorrian beartsuak?

Maitatzeko errazoiak badira
zergaitik dabilta txispaz armatuak?

Maitatzeko errazoiak badira
zergaitik urrunduak, galduak,
saminduak, beartsuak, armatuak...?

Maitatzeko errazoiak badira...

Zer da alaitasuna?

Alaitasuna,
oiñaze ta eriotzai kendutako unea.
Alaitasuna,
gutxitan izanen da anaitasuna.

Sutan goritutako ego-aizean,
turut otsaren deira,
illobiak zabalik.

Otsalar

MIRARIA

Izerdi odoldua,
arnasa larria
ta gose bizia,
ikusi dut,
beartsuaren kopetan...

Ixi!

Ugarian igariz,
irri-parrea
ta urre dizdira,
ikusi dut,
ugazabaren jauregian...